

չուշտ, պիտի դաստիարակեն, ինչպէս ուսուցիչը դաստիարակում է աշակերտին :

Մենք գտնում ենք, որ մեր ընդդիմադիր դերը անհրաժեշտ է այստեղ : Մենք միշտ պիտի պահանջենք պարլամենտական կառավարութիւն՝ կազմած պարլամենտարիզմի հիմունքներով : Պէտք է կազմել կօալիցիա՝ ներքին բոլոր ուժերի հետ, որոնք կարող են օգնել մեզ՝ Ֆինանսական խնդիրներում : Ստեղծւած արտաքին պայմանները յաջող են հիմա. կը մնայ ներքին Ֆինանսական կեանքն ևս կանոնաւորել :

Ահա իմ անելիք դիտողութիւնները վարչապետի գեկուցման առթիւ : Ես կրկնում եմ, որ խորհրդարանը պէտք է շարունակէ իր աշխատանքները :

Յ. Բուդաղեան. — Դաշնակցական Փրակցիայի կողմից կարդում է հետեւեալ բանաձևը. —

« Լսելով կառավարութեան գեկուցումն երկրի դրութեան և կառավարութեան գործունէութեան մասին՝ խորհրդարանի դադարի ժամանակամիջոցում՝ խորհրդարանն իր հաւանութիւնն է տալիս այդ գործունէութեանը և հրահանգում է ոչ մի միջոց չինայել, նոյն եռանդով աշխատել ամբողջութեւ մեր երկրի դրութիւնը՝ ճանաչելով իբրև թշնամի բոլոր նրանց, որոնք խոչընդոտ կը հանդիսանան Միացեալ և Անկախ Հայաստանի ստեղծելու գործում :

Խորհրդարանը միևնոյն ժամանակ չի կարող լուելայն անցնել մեր քաջարի բանակի վերջին ամիսներում կատարած հերոսական գործերի մօտով և այդու իր պարտքն է համարում յղել նրան իր ջերմ ողջոյնները » :

Բանաձևի ընթերցումն ընդունւում է բուռն ծափահարութեամբ : Դրում է քէպրկութեան և ստանում՝ կողմ 21, հակառակ ոչ մի և ձեռնպահ 2 ձայն :

Օրակարգի երկրորդ հարցը խորհրդարանին նոր արձակուրդ և լիազօրութիւնները կառավարութեան յանձնելու մասին՝ գեկուցում է օրէնդրական յանձնաժողովի անդամ Գ. Բեալաշեանը : Օրինադիժն ընդունւում է և խորհրդարանին նոր արձակուրդ է տրւում մինչև հոկտ. 31-ը՝ պատէհրով, արտակարգ դէպքում խորհրդարանի նիստ հրաւիրել :

## ՆՈՅՆՄԻՆԵՐ 11-Ի ԱՐՏԱԿԱՐԳ ՆԻՍՏԸ

Նախագահում է Յ. Բաջազեուցիին :

Նախարարական օթեակում նստած է կառավարութիւնը : Ունկնդիրների բաժանմունքն ու պատշգամբը լցւած է խուռն բազմութեամբ :

Նախագահ. — Սրանից մի շարաթ առաջ խորհրդարանը վաղար տւեց իր աշխատանքներին՝ յանձնարարելով նախադահութեանը կարևորագոյն դէպքերում հրաւիրել արտակարգ նիստ : Վերջին օրերս տեղի ունեցան խոշոր և նշանակալից փոփոխութիւններ հանրապետութեան կեանքում, որոնց առթիւ անհրաժեշտ էր, որ խորհրդարանը լսելով կառավարութեան հաղորդագրութիւնը՝ ասէր իր խօսքը : Նկատի առնելով այդ անհրաժեշտութիւնը՝ նախագահութիւնը հարկ համարեց հրաւիրել արտակարգ նիստ :

Խօսքը պատկանում է կառավարութեան նախագահին :

Նախարարապետ Հ. Օհանջանեան. — Յարգելի պատգամաւորներ. Զի անցել մէկ շարաթ այն օրից, երբ ես գեկուցում տւի երկրի կացութեան մասին և խորհրդարանը որոշեց զաղարեցնել իր աշխատանքները : Սակայն, այսօր, դրութիւնը փոխւած է այնքան, որ խորհրդարանն անմիջականօրէն պիտի իրազեկ լինի անց ու դարձին և պիտի ասէ իր վերջնական խօսքը :